

2021eko GAZTE TALENT LEHIAKETAREN OINARRIAK

TALDE ETA BAKARLARI GAZTEEN LEHIAKETA

14 eta 35 urte bitarteko gazteentzat

1.- GAIA. - Gazte Talent Jimmy Jazz Elkarreak bere zazpigarren edizioan antolatu duen talde berri eta bakarlarien lehiaketa da, Laboral Kutxaren, Arabako Foru Aldundiaren, Gasteizko Udaleko Gazteria Zerbitzuaren eta Araba Euskaraz en laguntzarekin.

2.- Parte hartzaileak. - **Arabako Lurralde Historikoan eta Trebiñuko Konderrian bizi, ikasi edo lan egiten duten 14-35 urte bitarteko gazteek (deialdiaren egunean) parte hartu ahal izango dute.**

Aukeratutako eta saritutako parte-hartzaileei baldintza horren egiaztatzea eskatu ahal izango zaie.

Lehiaketatik baztertuko dira deialdiaren amaiera egunean merkaturatu diskogintza lanen bat edo diskoetxeren batekin kontratua duten taldeak eta bakarlariak. Ez dira baztertuko beraiek finantzaturako diskogintza lanak dauzkatenak.

3.- LEHIAKETAKO KATEGORIAK. Parte hartzeko bi kategoria egongo dira, taldeetako kideen edo bakarlarien adinaren arabera:

Gazte Talent saria: 14-24 urteko gazteentzat (deialdiaren egunean)

Gazte Talent Laboral Kutxa saria: 25-35 urteko gazteentzat (deialdiaren egunean)

Aurkeztutako agirien arabera, parte hartzeko kategoria bat esleitu zaio talde edo bakarlari bakoitzari. Baldin talderen batek bi kategorietako adineko kideak baditu, Antolakuntzak eskumena izango du egokituz jotzen duen kategoria esleitzeko.

4.- LEHIAKETAREN FASEAK. Lehiaketak bi fase izango ditu:

a) Lanen aurkezpena eta aukeraketa: talde eta bakarlariek, izena ematerakoan, agiri hauek aurkeztu beharko dituzte:

- Taldearen ibilbidearen azalpen laburra, musika estiloa zein den ere aipatuta.
- Harremanetarako telefonoa eta helbide elektronikoa.
- Taldea osatzen duten pertsona guztien NANen kopia.
- *Rider* teknika.
- Argazkia, *jpg* formatuan.
- Taldearen edo bakarlariaren grabazioen bat. Edozein formatu onartuko da: *mp3*, grabazioa CDan, *YouTube*-ko kanalerako esteka, *Bandcamp*-erako esteka, *SoundCloud*, eta abar.

Lehiaketarako izen ematea *online* edo zuzenean bertara joanda egin ahal izango da.

- **Online izen ematea:** posta elektronikoa bat bidalita gaztetalent@gmail.com helbidera

- **Zuzeneko izen ematea:** agiriak Jimmy Jazz aretoaren bulegoetan aurkeztu beharko dira (Aldabe kalea 34, 1. esk., Gasteiz). Ordutegia: 10:00 – 14:00.

Eskatutako dokumentazioa ESKATZEKO EPEA: urriaren 20tik azaroaren 16ra, biak barne.

Antolakuntzako kideek osatutako Hautaketa Batzordeak, bidalitako material guztia entzun ondoren, hautatuko ditu bigarren fasera igaroko diren taldeak.

Batzorde horrek gutxienez hiru (gehienez lau) talde finalista aukeratu ditu lehiaketako kategoria bakoitzeko. **Hautaketa batzordearen erabakia:** azaroaren 22an jakinaraziko zaie hamar talde finalistei, eta erakunde laguntzaileen hedabideetan zabalduko da.

b) Emanaldiak: Hamar talde finalistek hogeita hamar minutu inguruko kontzertua prestatu beharko dute eta epaimahaiaren aurrean zuzeneko emanaldia emango dute. Horretarako, errepertorio zabala izan beharko da eskatzen den denboraz aritu ahal izateko.

Bi finalak Gasteizko Jimmy Jazz aretoan izango dira.

Datak:

Abenduaren 5, 6 edo/eta 7a

Epaimahaiaren erabakia: musikako profesionalek osatuko dute epaimahaia. Entzuleek parte-hartze kuota bat izango dute, beren botoa dela medio. Hori ehuneko bat izango da epaimahaiaren erabakian. Erabakia talde irabazleei jakinaraziko zaie eta erakunde laguntzaileen hedabideetan zabalduko da. Epaimahaiaren erabakia apelatu ezinezkoa izango da.

5.- SARIAK.-

Talde finalista guztiek 200 euroko saria jasoko dute finalean parte hartzeagatik.

Gazte Talent saria: kategoria horretako irabazleak 1000 euroko diru kopurua eskuratuko du, sari gisa eta Jimmy Jazz aretoan kontzertua emateagatik (osasun egoerak uzten badu).

*Gazte Talent saria gehitu egingo zaio finalean parte hartzeagatik jasoko den 200 euroko sariari.

Gazte Talent Laboral Kutxa saria: kategoria horretako irabazleak 1000 euroko diru kopurua eskuratuko du, sari gisa eta Jimmy Jazz aretoan kontzertua emateagatik (osasun egoerak uzten badu).

*Laboral Kutxa Gazte Talent saria gehitu egingo zaio finalean parte hartzeagatik jasoko den 200 euroko sariari.

Accesita euskarazko talde edo bakarlari onenarentzat: 500 euroko diru kopurua sari gisa eta Araba Euskaraz-en kontzertua emateagatik (osasun egoerak uzten badu). Talderik onena hautatuko da lehiaketako bi kategorien artean.

*Euskarazko talde onenaren accesita gehitu egingo zaio finalean parte hartzeagatik jasoko den 200 euroko sariari.

*Accesita eman gabe geratuko da baldin euskarazko talde onena kategoria bietako batean (Gazte Talent saria edo Laboral Kutxa Gazte Talent saria) irabazle izan bada.

Accesita emakumeak tartean dituen talde edo bakarlari onenarentzat: 500 euroko diru kopurua sari gisa eta Gasteizko Udalak Andra Maria Zuriaren jaietan antolatutako kontzertuetan jotzeagatik (Falerinaren Lorategian), osasun egoerak uzten badu. Talderik onena hautatuko da lehiaketako bi kategorien artean.

*Emakumeak tartean dituen talde onenaren accesita gehitu egingo zaio finalean parte hartzeagatik jasoko den 200 euroko sariari.

*Accesita eman gabe geratuko da baldin emakumeak tartean dituen talde onena kategoria bietako batean (Gazte Talent saria edo Laboral Kutxa Gazte Talent saria) irabazle izan bada.

Epaimahaiak 2021eko abenduan ezagutaraziko du bere erabakia.

Sailkatutako talde guztiek lehiaketan ematen duten kontzertuaren **kalitate handiko grabazioa** jasoko dute sari moduan.

6.- OHARRAK

Lehiaketari edo bere oinarriari buruzko edozein zalantza helbide elektronikoa honetara bidal daiteke: **gazzetalent@gmail.com**

Bidalitako abestiek letra eta musika originalak izan beharko dituzte. Lehiaketaren Antolakuntzak ez du erantzukizunik hartzen bidalitako abestiek beste artista batzuen egile eskubideak urratzen badituzte. Erreklamaziorik aurkeztuz gero, parte-hartzaileak izango dira erantzule bakarrak.

Antolakuntzak hogeita lau hilabetez eskubidea izango du lehiaketan izena emateko garaian aurkeztutako material grafikoak eta audioak zein lehiaketaren bigarren fasean hautatutako talde finalisten kontzertuetan egindako audio eta bideo grabazioak eta argazkiak erreproduzitzeko, edozein bitartekoren bidez eta Gazte Talent lehiaketa sustatzeko bakarrik. Horrek ez du eragozten talde edo bakarlariek berek haiek ere erabili ahal izaterik.

Lehiaketan parte hartzeak berekin dakar oinarri hauek guztiak eta Antolakuntzaren, hautaketa batzordearen eta epaimahaiaren erabakiak erabat onartzea.

Antolatzaileek ahalmena izango dute oinarrietan jaso ez den edozein gorabehera ebazteko.

